

Headlines

- कनून नाफस करने आलिंग एजेंसिंग 18मीं लोकसभा चुनां दे पैहले गेड कोला पैहले रिकार्ड 4 जहार 650 करोड़ रपे दी रकम ज़ब्त कीती ऐ।
- रक्षा मंत्री राजनाथ सिंह होरें आखेआ जे भारत अपने घरै होइए गै दुश्मन गी सबक सखाने दी समर्थ रखदा ऐ ते नियंत्रण रेखा दे पार बैठे दे दुश्मन गी बी, कीजे स्टाडी फौज दा शुमार दुनिया दी बेहतरीन फौजें च होंदा ऐ।
- विदेश मंत्री डॉ. एस जयशंकर होरें आखेआ ऐ जे राश्ट्री विकास इक तजुर्बेकार ते काबल नेतृत्व तैहत गै होई सकदा ऐ जेड़ा दलेरी आले ते बड़े फैसले लेई सकै।
- इस बरे दी श्री अमरनाथें दी जात्तरा लेई पंजीकरण दी प्रक्रिया अज्जै थमां शुरू होई गेई ऐ।

<><><><><><>

Rajnath Singh

रक्षा मंत्री राजनाथ सिंह होरें अज्ज आखेआ ऐ जे भारत कोल ऐसी ताकत ऐ जेहदे दम उप्पर ओहू अपनी धरतै थमां दुश्मन गी निशाना बनाई सकदा ऐ ते बन्ना पार करियै दुश्मन दे इलाके च जाइयै बी उसी निशाना बनाई सकदा ऐ कीजे भारत कोल दुनिया दी बेहतरीन फौजी ताकत ऐ। कठुआ जिले च अज्ज इक चुनावी रैली गी संबोधित करदे होई राजनाथ होरें आखेआ जे प्रधानमंत्री मोदी हुंदे नेतृत्व तैहत भारत सब्बनें मोर्चे पर दुनिया दे सब्बनें शा ताकतवर मुल्ख दे तौर पर उभरेया ऐ। उनें आखेआ जे 28 सितंबर गी सर्जिकल स्ट्राइक करियै भारत नै अपनी समर्थ दस्सी दिती ही। उनें आखेआ जे बीजेपी, महिलाएं दे अधिकारें दी राक्खी लेई बचनबद्ध ऐ। उनें आखेआ जे प्रधानमंत्री मोदी होरें 70 बरें शा मती उम्मी दे सब्बनें लेई मुफ्त इलाज यकीनी बनाया। उनें इब्बी आखेआ जे उंदी सरकारै त्रै तलाक आली बिद्वत गी खत्म करियै महिलाएं गी बाअख्तियार बनाया ऐ।

<><><><><><>

EC-Record

माली नियम कायदे लागू करोआने आली प्रवर्तन एजेंसिएं लोकसभा दे पैहले चरण दे चुनांS थमां पैहले 4 ज्हार 650 करोड़ रुपें दी रिकार्ड रकम जब्त कीती ऐ। निर्वाचन आयोग नै आखेआ ऐ जे पिच्छले लोकसभा चुनाएं दे दरान 3 ज्हार 475 करोड़ रुपें दी रकम जब्त कीती गई ही। आयोग नै आखेआ ऐ जे चुनांS थमां पैहले जब्त कीती गेदी कुल रकम दा 45 फीसद हिस्सा नशीले पदार्थें दे रूप च जब्त कीता गेआ ऐ। आयोग मुजब एहू रकम बक्ख-बक्ख एजेंसिएं बश्कार तालमेल, व्यापक योजना ते लोकें दी सक्रिय हिस्सेदारी दी बढौलत जब्त कीती गई ऐ। इस बारै पैहली मार्च थमां हर दिन 1 करोड़ रुपें दी रकम जब्त कीती गई ऐ। आयोग नै आखेआ ऐ जे इस कार्रवाई करी भ्रष्ट आचरण पर रोक लाने ते सब्बनें दलें गी बरोबर दे मौके उपलब्ध करोआने दी ओदी बचनबद्धता दा पता लगदा ऐ। आदर्श आचार संहिता दी उल्लंघना करियै नेताएं दा सैहयोग करने आले 106 सरकारी मलाजमें खलाफ बी आयोग नै सख्त कार्रवाई कीती ऐ।

<><><><><><>

Yoga-SVEEP

उधमपुर दे सुभाष स्पोर्ट्स स्टेडियम च अज्ज योग आले इक सत्र दा आयोजन कीता गेआ। एहदा मकसद औंदे संसदी चुनाएं च मतदान दी प्रतिशत बधाना हा। खरी मती गिनतरी च लोकें इस कार्यक्रम च हिस्सा लैता।

<><><><><><>

SVEEP-Poonch

स्वीप टीम आस्सेआ पुंछ च जनजातीय समुदाय दे लोकें लेई इक व्यापक जागरूकता कार्यक्रम रम्भेया गेआ ऐ। एहदा मकसद जनजातीय लोकें गी उंदे मतदान सरबन्धी अधिकारें बारै जागरूक बनाना ऐ।

<><><><><><>

DSSJ

साबका मंत्री ते डोगरा सदर सभा दे प्रधान ठाकुर गुलचैन सिंह चाढक होरें हर योग्य मतदाता गी अपील कीती ऐ जे ओहू ओ मतदान आले रोज पक्क गै मतदान केंद्र जाइए वोट पाने दे अपने अधिकार दा इस्तेमाल करना। उनें आखेआ जे 19 अप्रैल गी उधमपुर लोकसभा हल्के, 26 गी जम्मू लोकसभा हल्के ते 7 मई गी अनंतनाग-पुंछ-राजौरी हल्के लेई वोट पोआए जाडन। डोगरा सदर सभा नै लोकें गी अपील कीती जे ओहू इक सतर्क ते जागरूक नागरिक दी जिम्मेवारी बी निभाग ते हर मेदवार कोला पुच्छन जे ओहू किस चाल्लीं आम जनता दी भलाई बेहतरी लेई कम्म करी सकदे ना।



MHA

गृह मंत्रालय नै सोशल मीडिया दी इक पोस्ट च असल कब्जा रेखा पर चीन दे नजैज कब्जे आली रिपोर्ट गी लेइयै भारत तिब्बत सीमा पुलस आई.टी.बी.पी कन्नै सरबंधत रिपोर्ट गी माड़ी भावना आली ते गुमराह करने आली करार दित्ता ऐ। गृह मंत्रालय नै आखेआ ऐ जे एहू सोशल मीडिया पोस्ट राष्ट्री सुरक्षा दे प्रति संवेदनशील मुद्दे गी लेइयै दुष्प्रचार ते नफरत आली भावना फैलांदी ऐ। मंत्रालय नै एहू साफ कीता ऐ जे आई.टी.बी.पी नै गृह मंत्रालय गी ऐसी कोई रिपोर्ट नेई सौंपी दी ऐ। सोशल मीडिया दी इक रिपोर्ट च एहू दावा कीता गेदा ऐ जे आई.टी.बी.पी नै सरकार गी ऐसी कोई रिपोर्ट सौंपी ऐ जेदे च आखेआ गेदा ऐ जे असल कब्जा रेखा पर ऐसी 19 थाहरां न जित्थे गमियें दरान बर्फ पिघलना शुरू होने दे बाद चीनी फौज कब्जा करी सकदी ऐ।



EAM-Jaishankar

विदेश मंत्री डॉ. एस. जयशंकर होरें आखेआ ऐ जे राष्ट्री विकास तां गै हासल कीता जाई सकदा ऐ जेकर मुल्खै च इक मजबूत सरकार होऐ जेडी दलेरी आले फैसले लेई सकै, बड्डा सोची सकै ते जेहदी दुनिय च खरी साख, रूतबा ते हैसियत होऐ ते कन्नै गरीबें, नौजवानें ते होरनें लोकें दिएं आसें तांगें गी पूरा करने दी गरंटी बनी सकै। अज्ज बैंगलुरू च मीडिया आलें कन्नै गल्ल करदे होई डॉ. जयशंकर होरें आखेआ जे इक मजबूत अकसरियत आली सरकार ते नरेंद्र मोदी आंडर दा नेता राष्ट्री विकास दे लक्ष्य गी हासल करी सकदे ना। युकेन ते गाजा पट्टी च बनी दी तनाजे आली स्थिति, लाल सागर, अरब सागर ते भारत प्रशांत क्षेत्र च पैदा चुनौतिएं दा जिक्र करदे

होई केंद्रीय मंत्री होरें आखेआ जे अज्ज भारत गी विश्व बंधु आखेआ जा'रदा ऐ यानि पूरी दुनिया दा भ्राऽ या साथी ते प्रधानमंत्री मोदी हुंदे नेतृत्व च जी-20 दी मेजबानी दौरान भारत नै एहू जस्स खट्टेया ऐ।

<><><><><><>

Yatra-Registration

इस बरे दी श्री अमरनाथ जी दी यात्रा लेई पंजीकरण अज्ज शुरू होई गेआ ते अज्ज जम्मू-कश्मीर दे बक्ख-बक्ख हिस्सें च नामजद बैंक शाखाएं च लोकें दा यात्रा लेई नां दर्ज कराने दा सिलसिला बी शुरू होई गेआ ऐ। ऐकती एहू यात्रा कुल 52एं दिनें लेई होग जेह्डी 29 जून गी शुरू होइए 19 अगस्त गी रक्खड़ पुत्रेया आले रोज सम्पन्न होग। श्री अमरनाथ जी श्राइन बोर्ड नै अज्जै थमां यात्रा गित्तै पंजीकरण शुरू करने दा ऐलान कीता हा। दक्खनी कश्मीर च हिमालय दे पहाड़ें पर स्थित अमरनाथें दी गुफा च बर्फू नै बने दे कुदरती शिवलिंग दे दर्शन करने लेई दऊं बक्ख-बक्ख रस्तेयां जाया जाई सकदा ऐ। पैहला अनंतनाग जिले च पारंपरिक 48 किलोमीटर नुनवन पहलगाम आला रस्ता ते दुआ गांदरबल जिले च 14 किलोमीटर लम्मा बालटाल आला रस्ता। यात्रा लेई नां दर्ज कराने दा कम्म पंजाब नेशनल बैंक दिएं 540 शाखाएं च शुरू होई गेआ ऐ जेदे बारै जानकारी इस प्रक्रिया च शामिल इक अधिकारी नै दिती ऐ। उनें दस्सेआ जे एहू रजिस्ट्रेशन आधार नंबरें कन्नै जुडे दे फार्म जेनरेशन सरिस्ते राएं होग नां कि पैहले आडर दस्ती फार्म करिए। जम्मू शैहरा दे रिहाड़ी इलाके च पंजाब नैशनल बैंक दी नामजद शाख च बड्डुलै सवेला थमां गी लोकें दा औना शुरू होई चुके दा हा जे जिनें लोकें गी पैहले रोज नां रजिस्टर कराने दा मौका थ्होआ ओहू मते खुश नजर आए। यात्रा शुरू करने दी तरीक बारै फैसला कल उपराज्यपाल मनोज सिन्हा हुंदी अध्यक्षता च लग्गी दी श्री अमरनाथ श्राइन बोर्ड दी बैठका च लैता गेआ हा।

<><><><><><>

SASB-Yatra

श्री अमरनाथ जी श्राइन बोर्ड नै इस बरे दी जात्तरा लेई कार्यक्रम दा ऐलान करी दिता ऐ। ऐगती एहू जात्तरा 29 जून गी शुरू होइयै 19 अगस्त गी संपन्न होग। स्हाड़े जम्मू जिला संवाददाता अंकुश शर्मा नै पंजाब नेशनल बैंक दी रिहाड़ी शाख च बनाए गेदे पंजीकरण केंद्र च आए दे किश श्रद्धालुएं कन्नै इस बारै गल्लबात कीती।

<><><><><><>

VP-NADT

उपराश्ट्रपति जगदीप धनखड हौरें अज्ज आखेआ ऐ जे आर्टिफिशल इंटेलीजेंस ते एडवांस्ट अनैलेटिक्स जनेइयां नमियां प्रौद्योगकियां टैक्स चोरी रोकने ते टैक्स बवस्था गी बेहतर बनाने च मतियां मददगार साबत होआ करदियां न। उनें आखेआ जे एहदे नै टैक्स जमा करोआने आले दा टैक्स बवस्था च भरोसा बी बधेया ऐ जेदे कारण टैक्स जमा कराने आलें दी गिनतरी च बाद्दा होआ करदा ऐ। उपराश्ट्रपति होर अज्ज नागपुर च भारतीय राजस्व सेवा आई.आर.एस दे 76में बैच गी अज्ज राश्ट्रीय परतक्ख टैक्स अकादमी च समापन समारोह गी संबोधित करा करदे हे। इस मौके पर महाराश्ट्र दे राज्यपाल रमेश बैस ते परतक्ख टैक्स सरबंधी केंद्री बोर्ड सी.बी.डी.टी दे अध्यक्ष नितिन गुप्ता बी मजूद हे। उपराश्ट्रपति हौरें टैक्स प्रशासन च नमीं प्रौद्योगिकी दी भूमिका पर लो पांदे होई आखेआ जे असें कागत आधारित रिवायती बवस्था थमां प्रौद्योगिकी आधारित अज्जै-कल्लै दी बवस्था आला सफर तैह कीता ऐ ते हून करदाता ते अधिकारी दौनें गी जरूरी जानकारी सखल्ले हासल होई सकदी ऐ।

<><><><><><>

PM-Stable Govt.

प्रधानमंत्री नरेंद्र मोदी हौरें कल आखेआ जे अज्ज दुनिया भरै च जिस चाल्ली बेयकीनी, अस्थिरता ते यक्कोतक्की आली स्थिति बनी दी ऐ, ऐसे हालात च मुल्लै च इक मजबूत ते स्थिर सरकार दा होना बड़ी जरूरी ऐ। बीजेपी दे घोषणा पत्र जिसी संकल्प पत्र ना दित्ता गेदा ऐ, गी जारी करदे मौके मोदी हौरें आखेआ जे संकट दे इस दौर च उंदी सरकार दी पैहली तरजीह दुनिया दे बक्ख-बक्ख हिस्सें च जंग ते संघर्ष दे संकट आले क्षेत्रें च रवा करदे भारतीय नागरिकें दी सुरक्षा यकीनी बनाना ऐ। उनें आखेआ जे ऐसी स्थिति च भारत च इक मजबूत ते स्थिर सरकार दा होना होर बी लाजमी होई जंदा ऐ। मोदी हुंदा एहू बयान उसलै आया ऐ जिसलै इरान नै इजराइल पर हमले शुरू कीते देन।

<><><><><><>